

Биир оскуолатаабы түгэни хаһан да умнубаппын. Ахсыс кылааска үөрэнэ сырыттаһына учууталым Михаил Андреевич Алексеев миигин кытта сурук туһунан кэпсэтэн турардаах. Ол манлык этэ. Үөһээ-Бүлүү физико-математическай оскуолатыгар үөрэнэ барарбар дьонум хайдах сылдыаргын куруук суруйа, биллэрэ тураар диэн этии бөһөтүн этэн ыһыпыттара. Мин түргэнник тийдин диэн, сурук суруйбакка, "Здорова все хорошо" диэн үс тыллаах телеграмманан мунурданарым. Ону баһас дьэ нэдиэлэ аайы көтүппэккэ ыытарым. Кэлин өссө бииргэ үөрэнэр кыргыттарбын, Үөһээ-Бүлүү олохтоохторун Федотова Оляны, Софронова Эльвираны, соруйсар буолбутум. Онтон сотору олох да "най" бардым - харчытын кыргыттарбар эрдэттэн биэрэн кэбиһэн баран: "Хас нэдиэлэ аайы оскуолаттан баран иһэн бэйэбит ыытан ааһарын, биир сырыыга "Здорова все хорошо", аныгыскытыгар "Все нормально здорова" диэн суруйаарын",- диэтим. Кыргыттарым тук курдук ылынан, телеграмманы мин ааппыттан нэдиэлэ ахсын ыытан иһэллэр. Мин биир түбүкпүттэн төлөрүйэн, кимиэхэ да иһэ суох курдук күөххэ көччүйэ сырыттым. Ол сырыттаһына арай биир үтүө күн Михаил Андреевич миигин: "Ида, эйигин кытта кэпсэтэрдээхпин," - диэн кылааска ыныран ылла. Киэһелик, түөттүүр саһана, оһолор бары аһы барбыт кэмнэрэ быһыылааһа. Мин тугу этээри гыммыта буолуой диэн таайа сатыы олордум. Учууталым миигин кытта сэргэстэһэ олон баран эттэ: "Тоойуом, Ида, ити дьонум куттамматыннар диэн телеграмма ыыттарынын, биллэн турар, олус үчүгэй. Ол эрэри эн телеграмман тыла сырыы аайы биир дии. Төрөппүттэрин барахсаттар суруккун тутан сонун истиэхтэрин, хайдах, туох санаалаах сылдыаргын билиэхтэрин дэлэлээх баһараллара буолуо дуо? Ийэлээх аһатыгар киһи булгу бириэмэ булуох тустаах. Онон, кэбис, оһом дьонгор суруйа сатаа. Быраһынныгынан эбэрдэлииргэр эмиэ хаһан да бэлэм аккырыккаһа ааттарын туруоран биэрэр буолума, хал гынар халыып тыллары туттума - хас биирдии киһиэхэ, тус сыһыангын көрдөрөн, киниэхэ эрэ анаан суруйарга дьулус. Киһини үөрдүү - саамай улахан үөрүү!" - диэбитэ.

Учууталым, таайым Михаил Андреевич сүбэтэ мин сурукка сыһыаммын тосту уларыттыта. Онтон ыла көннөрүнэр суолга турбутум: аны дьоммор телеграмма эрэ ыытарбын тохотон, сонуммун истинник сэхэргээн суруйар идэни үөрүйэх оностубутум.

Аида Леонтьева,

Бүлүү улууһун А.И.Леонтьев аатынан

Лөкөчөөн орто оскуолатын физикаһа учуутала, дириэктэрэ,  
СР үөрэбириитин туйгуна, РФ үөрэбин эйгэтин Бочуоттаах үлэһитэ.